

მიტროპოლიტმა შიომ ათანასეს ლავრის წინამძღვარი და მისი საძმოს წევრები მიიღო



ამა წლის 18 ნოემბერს საპატრიარქო ტახტის მოსაყდრემ, სენაკისა და ჩხოროწყის მიტროპოლიტმა შიომ (მუჯირი) საპატრიარქოში ათონის მთის ათანასეს ლავრის წინამძღვარი, კათილუმენი პროდრომი (ლავრიოტისი) და მისი საძმოს წევრები მიიღო.

შეხვედრას ესწრებოდნენ კათოლიკოს-პატრიარქის ქორეპისკოპოსი, ახალციხისა და ტაო-კლარჯეთის მიტროპოლიტი თეოდორე (ჭუაძე), საპატრიარქოს საგარეო საქმეთა განყოფილების თავმჯდომარე, მიტროპოლიტი გერასიმე (შარაშენიძე), ქონების მართვის სამსახურის ხელმძღვანელი, მიტროპოლიტი ანდრია (გვაზავა), კათოლიკოს-პატრიარქის მდივანი, დეკანოზი მიქაელ ბოტკოველი, საზოგადოებასთან ურთიერთობის სამსახურის ხელმძღვანელი, დეკანოზი ანდრია ჯაღმაიძე და სხვა სასულიერო პირები.

საუბარმა გულთბილ ატმოსფეროში ჩაიარა.

ხაზგასმით აღინიშნა, რომ დედით ქართველი ათანასე ათონელის ლოცვა-კურთხევით ქართველმა ათონელმა მამებმა დააარსეს ივერთა მონასტერი X საუკუნეში, რომელიც

საუკუნეთა განმავლობაში რჩება ორ ეკლესიას შორის დიდი და ძმური ისტორიული კავშირის ნიშანსვეტად; ითქვა ისიც, რომ ჩვენს დროში მისი უწმინდესობისა და უნეტარესობის, სრულიად საქართველოს კათოლიკოს-პატრიარქ ილია II-ის ძალისხმევით საფუძველი ჩაეყარა ათონის მთასთან ურთიერთობებს, რომელიც ყოველწლიურად ღრმავდება.

სტუმრები საქართველოში 22 ნოემბრამდე დარჩებიან და მოილოცავენ ჩვენს ქვეყანაში არსებულ სინძინდებს, ცნობილ ტაძრებსა და მონასტრებს; 21 ნოემბერს, მთავარანგელოზობას კი საზეიმო წირვას აღასრულებენ დარიალის მთავარანგელოზთა









sazu.ge